

<b>Headline</b>	<b>Hargai alam semula jadi</b>		
<b>MediaTitle</b>	<b>Harian Metro</b>		
<b>Date</b>	17 Jun 2014	<b>Color</b>	<b>Full Color</b>
<b>Section</b>	Variasi	<b>Circulation</b>	<b>825,000</b>
<b>Page No</b>	6	<b>Readership</b>	<b>2,475,000</b>
<b>Language</b>	Malay	<b>ArticleSize</b>	<b>764 cm<sup>2</sup></b>
<b>Journalist</b>	Oleh Mohd Sabran Md Sani	<b>AdValue</b>	<b>RM 29,627</b>
<b>Frequency</b>	Daily	<b>PR Value</b>	<b>RM 88,880</b>



# Hargai alam semula jadi

**Peserta berumur 15 hingga 24 tahun hasilkan video pendek kepentingan penjagaan alam**

Oleh Mohd Sabran Md Sani

sab@mediaprime.com.my

**I**nstitut Penyelidikan Perhutanan Malaysia (FRIM) mengambil inisiatif menganjurkan program 'Story Telling and Video Making' bagi menyemai semangat cintakan alam semula jadi di kalangan belia.

Bertemakan 'Capturing, Narrating and Sharing the Wonders of Our Natural Heritage', program itu dianjurkan di Auditorium, FRIM, Kepong, baru-baru ini.

Itu adalah program bersama Projek Linkages Persatuan Kreativiti dan Inovasi Malaysia (MACRI) dengan kerjasama Digital Malaysia hasil inisiatif Perbadanan Pembangunan Multimedia (MDeC).

Majlis penyempurnaan perasmian program berkenaan disempurnakan Ketua Pengarah FRIM, Datuk Dr Abd Latif Mohmod.

Program ini memberi peluang kepada belia menghargai alam semula jadi melalui penghasilan video pendek.

Program ini menghim-punkan lebih 80 peserta berumur antara 15 hingga 24 memabitkan pelajar sekolah, kolej, universiti dan persatuan belia.

Abd Latif berkata, usaha dilaksanakan FRIM perlu mendapat sokongan peserta dalam menyokong pemuliharaan kekayaan hutan dan biodiversiti yang masih ada di FRIM dan seluruh Malaysia.

"Oksigen diperlukan untuk bernafas dan hidup, ubat-ubatan seperti panadol yang dimakan semuanya datang dari sumber hutan," katanya.

Abd Latif turut berkongsi pengalaman mempertahankan FRIM daripada pencerobohan sektor swasta.

"Pemuliharaan hutan dan sumber alam semula jadi adalah tanggungjawab diamanahkan kepada kita," katanya.

Penceramah jemputan adalah pembuat filem 'National Geographic', Anthony Copeling.

Anthony berkongsi pengalaman pengembalaan dan inspirasinya ketika membuat rakaman dan penggambaran di Hutan Kepulauan Pasifik Selatan lebih 15 tahun lalu.

Dalam pembentangannya, Anthony menyarkan petikan video yang dihasilkannya termasuk cara hidup masyarakat pribumi di Kepulauan Pasifik

Selatan yang semakin pupus.

Pengarah Bahagian Biodiversiti Hutan FRIM, Dr Saw Leng Guan turut membicarakan mengenai 'Cabaran pemuliharaan hutan di Malaysia'.

Pengarah Bahagian Perancangan Penyelidikan dan Korporat, Dr Marzalina Mansor yang juga Ketua Pasukan Petugas Projek Linkages menyampaikan pembentangan mengenai 'Linkages-Connecting Past to Future through the Wisdom of Elders'.

Sesi pembuatan video berkumpulan yang diadakan kemudian turut disertai pen-cerita jemputan dari kaum Orang Asli dari Ulu Geroh, Perak, Amilia Bah Azmi.

Amilia berkongsi cerita-nya mengenai penggunaan tumbuhan ubatan di kalan-jan masyarakat Orang Asli.

Setiausaha Eksekutif MACRI Ramish Pillai berkata, program itu bertujuan menggalakkan peserta menemu-bual dan berinteraksi dengan mereka yang lebih berusia dan berpengalaman.

"Ia menjadi inspirasi untuk menghasilkan video pendek mengenai kepentingan

penjagaan alam.

"Topik alam semula jadi ini amat luas dan terpulan-glah kepada kreativiti peserta untuk menghasilkan video menarik," katanya.

Peserta perlu mengha-silkan video pendek (tidak melebihi tiga minit) yang kreatif dan berinspirasi, un-tuk dikongsi melalui YouTube dan menetapkannya sebagai 'private'.

Mereka perlu menghantar e-mel kepada hello@linkage.my dengan memberi butiran lengkap termasuk nama, nombor kad pengenalan atau passport, alamat, nombor tele-fon dan pautan video mereka.

Tidak terdapat had jumlah penyertaan yang boleh dipos-kan setiap peserta dan tarikh tutup pertandingan ini pada 5 Ogos 2014.

Hadiah pertama bagi Projek Lingkages 2014 sebanyak RM3,000 manakala peme-nang kedua dan ketiga ma-sing-masing membawa pu-lang RM2,000 dan RM1,000.

Program ini menghimpun lebih 80 orang peserta (berumur antara 15 dan 24) dari sekolah, kolej, universiti dan persatuan belia.



PENGANJUR bergambar bersama peserta program.

<b>Headline</b>	<b>Hargai alam semula jadi</b>		
<b>MediaTitle</b>	<b>Harian Metro</b>		
<b>Date</b>	17 Jun 2014	<b>Color</b>	<b>Full Color</b>
<b>Section</b>	Variasi	<b>Circulation</b>	<b>825,000</b>
<b>Page No</b>	6	<b>Readership</b>	<b>2,475,000</b>
<b>Language</b>	Malay	<b>ArticleSize</b>	<b>764 cm<sup>2</sup></b>
<b>Journalist</b>	Oleh Mohd Sabran Md Sani	<b>AdValue</b>	<b>RM 29,627</b>
<b>Frequency</b>	Daily	<b>PR Value</b>	<b>RM 88,880</b>



<b>Headline</b>	Hargai alam semula jadi		
<b>MediaTitle</b>	Harian Metro		
<b>Date</b>	17 Jun 2014	<b>Color</b>	<b>Full Color</b>
<b>Section</b>	Variasi	<b>Circulation</b>	<b>825,000</b>
<b>Page No</b>	6	<b>Readership</b>	<b>2,475,000</b>
<b>Language</b>	Malay	<b>ArticleSize</b>	<b>764 cm<sup>2</sup></b>
<b>Journalist</b>	Oleh Mohd Sabran Md Sani	<b>AdValue</b>	<b>RM 29,627</b>
<b>Frequency</b>	Daily	<b>PR Value</b>	<b>RM 88,880</b>



PESERTA sedang belajar teknik bercerita.